

কৃষিই সমৃদ্ধি

গণপ্রজাতন্ত্রী বাংলাদেশ সরকার
কৃষি বিপণন অধিদপ্তর
খামারবাড়ি, ফার্মগেট
ঢাকা-১২১৫।

বিষয়ঃ ২০১৮-১৯ অর্থ বছরের এডিপিভুক্ত কৃষি বিপণন অধিদপ্তরের আওতায় বাস্তবায়নাধীন প্রকল্প/কর্মসূচীসমূহের উপর গত ৩০-০৪-২০১৯ তারিখে অনুষ্ঠিত বাস্তবায়ন অগ্রগতি পর্যালোচনা (মার্চ/২০১৯ পর্যন্ত) সভার কার্যবিবরণীঃ

সভাপতি : মোহাম্মদ ইউসুফ মহাপরিচালক, কৃষি বিপণন অধিদপ্তর।
স্থান : সভা কক্ষ, কৃষি বিপণন অধিদপ্তর, ঢাকা।
সময় : দুপুর ১২.০০ ঘটিকা।
তারিখ : ৩০ এপ্রিল, ২০১৯ খ্রিঃ।
সভায় উপস্থিত কর্মকর্তাবৃন্দ : পরিশিষ্ট-‘ক’।

সভাপতি উপস্থিত সকলকে স্বাগত জানান এবং তিনি কৃষি বিপণন অধিদপ্তরের আওতায় বাস্তবায়নাধীন প্রকল্প/কর্মসূচীসমূহের মার্চ, ২০১৯ পর্যন্ত বাস্তবায়ন অগ্রগতি সভার কার্যপত্র অনুযায়ী পর্যায়ক্রমে উপস্থাপনের জন্য উপ-পরিচালক (পিপি) কে অনুরোধ জানান।

১। আলোচ্য বিষয়-১: ২৭-০৩-২০১৯ তারিখে অনুষ্ঠিত এডিপি পর্যালোচনা সভার কার্যবিবরণী নিশ্চিতকরণ।

গত ২৭-০৩-২০১৯ তারিখে মার্চ, ২০১৯ সময়ের এডিপি পর্যালোচনা সভার কার্যবিবরণী নিশ্চিতকরণের জন্য সভায় উপস্থাপন করা হয় এবং কোন সংশোধনী প্রস্তাব না থাকায় তা নিশ্চিতকরণের সিদ্ধান্ত গৃহীত হয়।

ক্রঃ নং	সিদ্ধান্ত	বাস্তবায়নকারী কর্তৃপক্ষ
১.১	২৭-০৩-২০১৯ তারিখের এডিপি পর্যালোচনা সভার কার্যবিবরণী নিশ্চিত করা হলো।	উপ-পরিচালক (নীতি ও পরিকল্পনা)

২। আলোচ্য বিষয়-২.১: কৃষি বিপণন অধিদপ্তর কর্তৃক বাস্তবায়নাধীন এডিপিভুক্ত প্রকল্প ও রাজস্ব বাজেটভুক্ত কর্মসূচীসমূহের বাস্তবায়ন অগ্রগতির তথ্য উপস্থাপন কালে ২০১৮-১৯ অর্থ বছরের বাস্তবায়নাধীন উন্নয়ন প্রকল্প এবং কর্মসূচী’র কার্যক্রম বিগত সভার সিদ্ধান্তের বাস্তবায়ন অগ্রগতি ইত্যাদি বিষয় নিয়ে আলোচনা করা হয়। সভায় জানানো হয় যে, কৃষি বিপণন অধিদপ্তরের আওতায় ২০১৮-১৯ অর্থ বছরে বাস্তবায়নাধীন ০১টি বিনিয়োগ প্রকল্পের অনুমোদিত ডিপিপি মোতাবেক আরএডিপি’র বরাদ্দ অনুযায়ী মোট ৫৭৫.০০ লক্ষ (রাজস্ব খাতে ১৭২.০০ লক্ষ এবং মূলধন খাতে ৪০৩.০০ লক্ষ) টাকা এবং ০২টি কর্মসূচীর অনুমোদিত পিপিএনবি মোতাবেক মোট ১১৮.৩০ লক্ষ টাকার সংস্থান রয়েছে। প্রকল্পের ২০১৮-১৯ অর্থ বছরে ১ম, ২য়, ৩য় ও ৪র্থ কিস্তি বাবদ ৫৭৫.০০ লক্ষ (১০০%) টাকা ছাড় করা হলে মার্চ, ১৯ পর্যন্ত ২১৯.০৮ লক্ষ (৩৮.১০%) টাকা ব্যয় করা হয়। এছাড়া কর্মসূচীসমূহের ১ম, ২য়, ৩য় ও ৪র্থ কিস্তি বাবদ ১১৮.৩০ লক্ষ (১০০%) টাকা ছাড় করা হলে মার্চ, ১৯ পর্যন্ত ৬১.৭৮ লক্ষ (৫২.২২%) লক্ষ টাকা ব্যয় করা হয়। ইতোমধ্যে প্রায় ০৯ (আট) মাস অতিক্রম হওয়ার পরও অগ্রগতি আশানুরূপ না হওয়ায় সভাপতি এডিপি বাস্তবায়নের হার গতিশীল করার লক্ষ্যে প্রকল্প/কর্মসূচীসমূহে কিস্তি ভিত্তিক অগ্রগতি ১০০% সম্পন্ন করার জন্য প্রকল্প পরিচালক ও কর্মসূচী পরিচালকদের নির্দেশনা দেন। এছাড়া ২০১৮-১৯ অর্থ বছরে “স্মলহোল্ডার এগ্রিকালচারাল কম্পিটিভিনেস (এসএসিপি)” শীর্ষক প্রকল্পে আরএডিপিতে ৫২৫.০০ লক্ষ টাকা এবং “বাজার অবকাঠামো, সংরক্ষণ ও পরিবহন সুবিধার মাধ্যমে ফুল বিপণন ব্যবস্থা শক্তিশালীকরণ” শীর্ষক প্রকল্পে আরএডিপিতে ৩২.০০ লক্ষ টাকা বরাদ্দ আছে। এপ্রেক্ষিতে কম্পোনেন্ট ডাইরেক্টর সভায় অবহিত করেন যে, প্রকল্পের আউটসোর্সিং প্রক্রিয়ার মাধ্যমে জনবল নিয়োগ, যাবতীয় ক্রয় প্রক্রিয়ার টেন্ডার আহ্বান করা হয়েছে। ইতোমধ্যে জিওবি অংশের অর্থ ছাড় করা হয়েছে। এবং আরপিএ খাতের অর্থ ছাড়ের জন্য অথরাইজেশন এর নিমিত্ত কৃষি মন্ত্রণালয়ে প্রস্তাব করা হয়েছে। অপরদিকে “বাজার অবকাঠামো, সংরক্ষণ ও পরিবহন সুবিধার মাধ্যমে ফুল বিপণন ব্যবস্থা শক্তিশালীকরণ” শীর্ষক প্রকল্পে প্রকল্প পরিচালক সভায় অবহিত করেন যে, প্রকল্পের আউটসোর্সিং প্রক্রিয়ার মাধ্যমে জনবল নিয়োগের দরপত্র মূল্যায়ন প্রক্রিয়া চলমান আছে। এছাড়া যাবতীয় ক্রয় প্রক্রিয়ার টেন্ডার আহ্বান করা হয়েছে। ইতোমধ্যে অর্থ ছাড়ের জিও জারী করা হয়েছে।

২.১ বিগত সভার সিদ্ধান্ত বাস্তবায়ন অগ্রগতি আলোচনাকালে “সিলেট অঞ্চলে শস্যের নিবিড়তা বৃদ্ধিকরণ (বিপণন অংগ)” প্রকল্পটি জুন, ২০১৯ মাসে সমাপ্ত হবে বিধায় প্রকল্পের সংশোধিত অনুমোদিত ডিপিপি’র আওতায় প্রকল্পের যাবতীয় নির্মাণ কাজসহ যে সকল কাজ এখন পর্যন্ত শেষ হয়নি তা দ্রুত সময়ের মধ্যে শেষ করতে সভাপতি নির্দেশনা প্রদান করেন।

২.২ স্মলহোল্ডার এগ্রিকালচারাল কম্পিটিটিভনেস প্রজেক্ট (এসএসিপি) শীর্ষক প্রকল্পে ২০১৮-১৯ অর্থ বছরের অনুমোদিত ক্রয় ও কর্মপরিকল্পনা মোতাবেক যাবতীয় টেন্ডার, প্রশিক্ষণ, সেমিনার/ওয়ার্কসপ, ও নিয়োগ প্রক্রিয়া ইত্যাদি কার্যক্রম দ্রুত সম্পন্ন করে প্রকল্পের অগ্রগতি ১০০% সম্পন্ন করার জন্য সভাপতি নির্দেশনা দেন। এছাড়া প্রকল্পের আওতায় অনুষ্ঠিত যাবতীয় প্রশিক্ষণের জন্য একটি আদর্শ মডিউল তৈরী করার জন্য সভাপতি নির্দেশনা দেন। অধিকন্তু প্রকল্পের যাবতীয় কার্যক্রমের একটি সারসংক্ষেপ তৈরী করে প্রকল্প বাস্তবায়িত এলাকার সকল বিভাগীয় উপ-পরিচালক ও জেলা বাজার কর্মকর্তার কার্যালয়ে দ্রুত প্রেরণ করার জন্য সভাপতি নির্দেশনা দেন।

২.৩ কৃষি বিপণন অধিদপ্তর কর্তৃক বাস্তবায়নধীন “বাজার অবকাঠামো, সংরক্ষণ ও পরিবহন সুবিধার মাধ্যমে ফুল বিপণন ব্যবস্থা শক্তিশালীকরণ ” শীর্ষক প্রকল্পের ২০১৮-১৯ অর্থ বছরের আরএডিপি’র বরাদ্দ মোতাবেক অনুমোদিত ক্রয় ও কর্মপরিকল্পনা মোতাবেক যাবতীয় টেন্ডার, প্রশিক্ষণ, গুপ গঠন ও নিয়োগ প্রক্রিয়া ইত্যাদি কার্যক্রম দ্রুত সম্পন্ন করে প্রকল্পের অগ্রগতি ১০০% সম্পন্ন করার জন্য সভাপতি নির্দেশনা দেন। প্রকল্পটি যেহেতু ৩ (তিন) বছর মেয়াদী এবং ইতোমধ্যে ১ (এক) বছর সমাপ্ত হয়েছে একারণে আগামী অর্থ বছরের শুরুতেই প্রকল্পের আওতায় যে সকল জেলাতে এসেম্বল সেন্টার নির্মাণ করা হবে উক্ত জায়গার প্রকৃত মালিকদের সাথে সমঝোতা স্মারক (MOU) করার দ্রুত ব্যবস্থা গ্রহণ করতে সভাপতি পুনরায় নির্দেশনা প্রদান করেন। একই কারণে ঢাকা বিভাগীয় কার্যালয় উর্ধ্বমুখী সম্প্রসারণের লক্ষ্যে স্থাপত্য নকশা ও ব্যয় প্রকল্প প্রণয়ন এবং গাবতলীতে নির্মাণ কার্যক্রম শুরু করার জন্য নির্ধারিত জমির সীমানা নির্ধারন পূর্বক প্রকল্পের কার্যক্রম শুরু করার জন্য সভাপতি নির্দেশনা দেন। অধিকন্তু প্রকল্পের যাবতীয় কার্যক্রমের একটি সারসংক্ষেপ তৈরী করে প্রকল্প বাস্তবায়িত এলাকার সকল বিভাগীয় উপ-পরিচালক ও জেলা বাজার কর্মকর্তার কার্যালয়ে দ্রুত প্রেরণ করার জন্য সভাপতি নির্দেশনা দেন।

২.৪ : ফ্রেশকাট শাকসজ্জি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচি’র কার্যক্রম আরো গতিশীল করার লক্ষ্যে কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী বিপণনে ঢাকা শহরে এলাকা ভিত্তিক সাপ্তাহিক অথবা পাক্ষিক ভাবে দৃশ্যমান ও জনবহুল স্থানে বিক্রয়ের ব্যবস্থা গ্রহণ করতে সভায় নির্দেশ প্রদান করা হয়। আগামী জুন, ২০১৯ মাসের মধ্যে ফ্রেশকাট এর ন্যায় নতুন কর্মসূচি’র প্রস্তাব দিতে সভায় নির্দেশনা প্রদান করা হয়।

২.৩: অনলাইন প্রাইস মনিটরিং সংক্রান্ত ইলেক্টনিক্স ডিসপ্লেবোর্ড স্থাপন শীর্ষক কর্মসূচির আওতায় প্রদর্শিত ডিজিটাল ডিসপ্লেবোর্ডে প্রতিদিনের বাজার দর প্রতিদিন প্রদর্শনের জন্য উদ্যোগ গ্রহণ করতে হবে। এছাড়া ইলেক্টনিক্স ডিসপ্লেবোর্ড এর ন্যায় যুগোপযোগী একটি কর্মসূচির প্রস্তাব দিতে সভাপতি নির্দেশনা প্রদান করেন।

৩. দরপত্র অগ্রগতি বিষয়ে আলোচনাঃ ২০১৮-১৯ অর্থ বছরের কর্ম ও ক্রয় পরিকল্পনা অনুযায়ী নতুন প্রকল্পসমূহের দরপত্র আহবান এবং কার্যাদেশ প্রদানের অগ্রগতি নিয়ে সভায় বিস্তারিত আলোচনা হয়। নতুন প্রকল্পসমূহের সকল দরপত্রের কার্যাদেশ ১০ মে/২০১৯ এর মধ্যে সম্পন্ন করতে সভাপতি নির্দেশনা প্রদান করেন। এবং ইতোমধ্যে আহবানকৃত সকল দরপত্রের কার্যাদেশ অনুযায়ী পণ্য বুঝে নেবার বিষয়টি নিশ্চিত করতে সভাপতি নির্দেশনা প্রদান করেন।

৪-বিবিধঃ এসডিজি’র লক্ষ্যমাত্রা অর্জনে আর্থিক বিষয়াদি সম্পর্কিত নতুন নতুন পরিকল্পনা ভিত্তিক ডিপিপি প্রস্তুত করার নিমিত্ত দায়িত্ব প্রাপ্ত কর্মকর্তাগণ জুন/২০১৯ এর মধ্যে নীতি ও পরিকল্পনা শাখা ডিপিপি জমা দিতে বিভাগীয় উপ-পরিচালকদের সভাপতি নির্দেশনা প্রদান করেন।

৫: সভার সিদ্ধান্তসমূহঃ

সভায় কৃষি বিপণন অধিদপ্তরের উন্নয়ন পরিকল্পনা, প্রকল্প বাস্তবায়নের কৌশল নিধারণ, উন্নয়ন কর্মসূচি বাস্তবায়নে গতিশীলতা আনয়ন এবং প্রকল্প ও কর্মসূচি সংশ্লিষ্ট বিষয়ে বিস্তারিত আলোচনান্তে নিম্নরূপ সিদ্ধান্ত গৃহীত হয়।

ক্রঃ নং	গৃহীত সিদ্ধান্ত সমূহ	বাস্তবায়নকারী কর্তৃপক্ষ
৫.১	প্রকল্পের সংশোধিত অনুমোদিত ডিপিপি'র আওতায় প্রকল্পের যাবতীয় নির্মাণ কাজসহ যে সকল কাজ এখন পর্যন্ত শেষ হয়নি তা মে, ২০১৯ এর মধ্যে শেষ করতে হবে।	প্রকল্প পরিচালক আইসিআইএসআরপি (ডিএএম অংগ।
৫.২	(ক) ২০১৮-১৯ অর্থ বছরের অনুমোদিত ক্রয় ও কর্মপরিকল্পনা মোতাবেক যাবতীয় কার্যক্রম দ্রুত সম্পন্ন করে প্রকল্পের অগ্রগতি ১০০% সম্পন্ন করতে হবে। (খ) প্রকল্পের আওতায় অনুষ্ঠিত যাবতীয় প্রশিক্ষণের জন্য একটি আদর্শ মডিউল তৈরী করতে হবে। (গ) প্রকল্পের যাবতীয় কার্যক্রমের একটি সারসংক্ষেপ তৈরী করে প্রকল্প বাস্তবায়িত এলাকার সকল বিভাগীয় উপ-পরিচালক ও জেলা বাজার কর্মকর্তার কার্যালয়ে প্রেরণ করতে হবে।	কম্পোনেন্ট ডাইরেক্টর স্মলহোল্ডার এগ্রিকালচারাল কম্পিটিটিভনেস প্রজেক্ট (এসএসিপি) (বিপণন অংগ)
৫.৩	(ক) ২০১৮-১৯ অর্থ বছরের ক্রয় ও কর্মপরিকল্পনা মোতাবেক যাবতীয় কার্যক্রম দ্রুত সম্পন্ন করে প্রকল্পের অগ্রগতি ১০০% সম্পন্ন করতে হবে। (খ) যে সকল জেলাতে এসেম্বল সেন্টার নির্মাণ করা হবে উক্ত জায়গার প্রকৃত মালিকদের সাথে সমঝোতা স্মারক (MOU) করতে হবে। (গ) ঢাকা বিভাগীয় কার্যালয় উর্ধ্বমুখী সম্প্রসারণের লক্ষ্যে স্থাপত্য নকশা ও ব্যয় প্রকল্প প্রণয়ন এবং গাবতলীতে নির্মাণ কার্যক্রম শুরু করার জন্য নির্ধারিত জমির সীমানা নির্ধারন পূর্বক যাবতীয় কার্যক্রম শুরু করতে হবে। (ঘ) প্রকল্পের যাবতীয় কার্যক্রমের একটি সারসংক্ষেপ তৈরী করে প্রকল্প বাস্তবায়িত এলাকার সকল বিভাগীয় উপ-পরিচালক ও জেলা বাজার কর্মকর্তার কার্যালয়ে দ্রুত প্রেরণ করতে হবে।	প্রকল্প পরিচালক বাজার অবকাঠামো, সংরক্ষণ ও পরিবহন সুবিধার মাধ্যমে ফুল বিপণন ব্যবস্থা শক্তিশালীকরণ প্রকল্প
৫.৪	(ক) কর্মসূচির কার্যক্রমকে ই-মার্কেট এর সাথে লিংক করে নতুন কর্মসূচি'র প্রস্তাব আগামী জুন, ২০১৯ মাসের মধ্যে প্রেরণ করতে হবে। (খ) কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী বিপণনে ঢাকা শহরে এলাকা ভিত্তিক সাপ্তাহিক অথবা পাক্ষিক ভাবে দৃশ্যমান ও জনবহুল স্থানে বিক্রয়ের ব্যবস্থা গ্রহণ করতে হবে।	কর্মসূচী পরিচালক ফ্রেশকাট শাকসজ্জি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচি।
৫.৫	(ক) ডিজিটাল ডিসপ্লেবোর্ডে প্রতিদিনের বাজার দর প্রতিদিন প্রদর্শনের জন্য উদ্যোগ গ্রহণ করতে হবে এবং ইতোমধ্যে স্থাপিত ডিসপ্লেবোর্ডসমূহ সচল করে বাজার তথ্য প্রকাশের ব্যবস্থা গ্রহণ করতে হবে।	কর্মসূচী পরিচালক অনলাইন প্রাইস মনিটরিং সংক্রান্ত ইলেক্ট্রনিক্স ডিসপ্লেবোর্ড স্থাপন শীর্ষক কর্মসূচি।
৫.৬	এসডিজি'র লক্ষ্যমাত্রা অর্জনে আর্থিক বিষয়াদি সম্পর্কিত নতুন নতুন পরিকল্পনা ভিত্তিক ডিপিপি প্রস্তুত করার নিমিত্ত দায়িত্ব প্রাপ্ত কর্মকর্তাগণ জুন/২০১৯ তারিখের মধ্যে ডিপিপি জমা দিতে হবে।	উপ-পরিচালক (সকল)
৫.৭	আহবানকৃত সকল দরপত্রের কার্যাদেশ অনুযায়ী পণ্য বুকে নিতে হবে।	প্রকল্প ও কর্মসূচি পরিচালক (সকল)

৬। আর কোন আলোচ্য বিষয় না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

(মোহাম্মদ ইউসুফ)
মহাপরিচালক
কৃষি বিপণন অধিদপ্তর